

Bosna i Hercegovina
Federacija Bosne i Hercegovine
Tuzlanski kanton
OPĆINA TUZLA
OPĆINSKI NAČELNIK
Broj: 02-14-8278/2013
Tuzla, 01.11.2013 godine

Na osnovu člana 108. Statuta općine Tuzla („Službeni glasnik općine Tuzla“, broj: 02/99, 09/00, 2/08, 12/09), a u vezi sa Obavještenjem o zaključcima Općinskog vijeća Tuzla, broj: 01-05-7764 /2013/1 od 31.10.2013. godine, sa 11. redovne sjednice Općinskog vijeća Tuzla, održane dana 31.10.2013. godine, Općinski načelnik Tuzla, donosi

O D L U K U

o načinu provođenja javne rasprave

Član 1.

Ovom Odlukom se, u skladu sa odredbama Statuta općine Tuzla, te u vezi sa Obavještenjem o zaključcima Općinskog vijeća Tuzla, broj: 01-05-7764/2013/1 od 31.10.2013. godine, određuje način provođenja javne rasprave za sljedeće dokumente:

- Nacrt Budžeta općine Tuzla za period od 01.01.do 31.12.2014. godine i
- Nacrt Odluke o izvršavanju Budžeta općine Tuzla za period 01.01. do 31.12.2014. godine.

Član 2.

Javna rasprava o dokumentima iz prethodnog člana ove Odluke provest će se najkasnije do 30.11.2013.godine.

Član 3.

Zadužuje se Služba za komunalne poslove, izgradnju i poslove MZ da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta općine Tuzla za 2014. godinu sa savjetima mjesnih zajednica i korisnicima Budžeta općine Tuzla koji su planirani Nacrtom Budžeta u okviru sredstava ove Službe, uključujući i javna komunalna preduzeća.

Član 4.

Zadužuje se Služba za razvoj, poduzetništvo i društvene djelatnosti da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta općine Tuzla za 2014. godinu u dijelu sredstava koja se odnose na korisnike iz oblasti kulture, sporta i udruženja, te da u istu uključi javne ustanove, čiji je osnivač ili suosnivač Općina Tuzla, a korisnici su Budžeta općine Tuzla.

Član 5.

Zadužuje se Služba za boračko-invalidsku zaštitu da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta općine Tuzla za 2014. godinu u dijelu sredstava koja se odnose na korisnike iz oblasti boračko-invalidske zaštite.

Član 6.

Obaveziju se službe iz članova 3., 4., i 5. ove Odluke da najkasnije do 03.12.2013. godine obrade i sistematizuju primjedbe, prijedloge i sugestije sa provedene javne rasprave, te da Službi za budžet i finansije dostave Izvještaje u pisanoj i elektronskoj formi.

Službe iz stava 1. ovog člana obavezne su Službi za budžet i finansije dostaviti i svoje prijedloge izmjena i dopuna sredstava raspoređenih u Nacrtu Budžeta za 2014. godinu, uzimajući u obzir Izvještaje sa provedene javne rasprave, a vodeći računa o visini raspoloživih sredstava u Budžetu.

Član 7.

Odluka stupa na snagu danom donošenja, a objavit će se na web stranici Općine Tuzla: www.tuzla.ba

OPĆINSKI NAČELNIK

Jasmin Imamović, dipl. pravnik